



文懷沙 ◆ 主編

隋唐文明

第五十六卷

古吳軒出版社

文懷沙 ◆ 主編

隋唐文明

第五十六卷

上海大學「大學叢書」

古吳軒出版社

圖書在版編目 (CIP) 數據

隋唐文明／文懷沙主編；《隋唐文明》編纂委員會編

蘇州：古吳軒出版社，2004.12

ISBN 7-80574-857-8

I. 隋… II. ①文… ②隋… III. 古籍—匯編—中

國—隋唐時代 N. Z121.7

中國版本圖書館CIP數據核字 (2004) 第132009號

責任編輯：尹劍峰 陳雪春

馮立高 穎

裝幀設計：周晨

責任印刷：何潔 蔣家宏

書名：隋唐文明

主編：文懷沙

出版發行：古吳軒出版社

地址：蘇州市十梓街458號

郵編：215006

電話：0512-65232286

傳真：0512-65220750

印刷：江蘇淮陰新華印刷廠

開本：889×1194 1/16

總印張：4027.5

印數：1000冊

版次：2005年3月第1版

印次：2005年3月第1次印刷

書號：ISBN 7-80574-857-8/K·001

定價：38000.00圓 (全100卷)

隋唐文明

第五十六卷目錄

全隋唐文六

欽定全唐文一千卷(四)(卷一四八至二〇〇)

〔清〕董誥等纂

三

全隋唐文

六



欽定全唐文卷一百四十八目錄

顏師古二

上漢書注序

等慈寺碑

神州地祇祝文

四大河祝文

姚思廉

止足論

張元素

欽定全唐文

卷一百四十八

目錄

諫修洛陽乾陽殿書

上太子承乾書

重諫太子承乾書

重諫太子承乾書

陳正道對

蕭鈞

顏勤禮贊

欽定全唐文卷一百四十八

顏師古二

上漢書注序

儲君體上哲之姿膺守器之重俯降三善博綜九流觀炎漢之餘風究其終始懿孟堅之述作嘉其宏贍以爲服應最說疎素尚多蘇晉冢家剖斷蓋勳蔡氏纂集尤爲抵牾自茲以降蔑足有云悵前代之未周愍將來之多惑顧召幽仄俾竭芻蕘匡正駁遠激揚鬱滯將以博納賢前遠單邦國宏敷錦帶啟導青衿曲稟宏規備蒙嘉惠增崇改觀

欽定全唐文

卷一百四十八

顏師古

一

等慈寺碑

金石萃編卷四十一

若夫有功可大盛業光於四表有親可久厚德加於萬類救災撥亂闡宏威以則天立愛宣慈垂至仁而濟物其於司牧黎獻汲引羣生窮高極深道隆致遠伏以現神通力摧破波旬之兵開方便門消滅尼捷之罪斯蓋法王聖跡調御善權不可思議莫知邊際者矣自隨歷云季政網不

綱海岳沸騰函夏圯裂繩樞競起白挺稱兵毒卉久敷妖
精畫隕五山並食九嬰爲害交相吞噬恣行剽斬仰顧蒼
昊跼跡靡依俯墜塗炭息肩無所剝極則亨否終斯泰用
集明命爰啟真人我大唐皇帝慶發靈圖祚昭寶籙撫茲
歸運拯彼橫流惟神惟幾過文過武聰明時又勇智自天
猗歟五村聖質苞其純懿大哉七德宸鑒測其幽遠至如
封胡異說力牧奇篇元女黃石之精微玉帳絳宮之秘要
莫不載成睿思總制深衷超冠情靈之未得諸耳目之外
爰茲草昧自彼參墟投袂濡足東征西怨克翦方命鯨鯢
欽定全唐文 卷一百四十八 類詩古

二

斯盡芟夷于紀邦城底平掃機槍於天衢匪遑寧處戮猶
狂於地表無思不服阪泉涿鹿之師議勤已陋共工有危
之戰固多慙色載籍所傳孰可倖其髣髴言象所寄安足
紀其希夷武德之初諸華未緝穀洛之地尚阻朝風念彼
王充偷安假息悼于戈之日用悵烽煙之多警於是親總
元戎授茲威鉞建瓴東下將一車書北據崇芒南屯伊闕
雲羅旣布指期滌蕩然而賊實建德往因多難風長亂階
僞黨實繁凶毒孔熾妄作元圭之瑞竊號夏王驪崩黑山
之旅擅強河朔破邑屠城斬祀殺屬矯誣上帝多厯年所

又以逞其狙詐乘彼阨危卽傾許之人徒收亡隨之文物
遂乃憑陵濟岱薦食徐兗驟勝愈驕負力作氣惟茲勦寇
同惡相求臬此役也實來赴援溯流而上奄至榮陽間使
驍馳潛申約結將規合勢以抗我師首足互資實同夏屋
之獸前後迭至冀效常山之妙妙算所甄洞其曲折中權
所稟見可而進是以引麾北制移蹕東虞天策頻加神鋒
累奮其後首渠相命妖孽並臻鑿齒之類爲羣冥竄之徒
成列發自板渚迄於茲地獷狽爭先陸梁競出比角舉尾
飲竭洪流吞石噉沙聚蔽陽景皇赫斯怒爰整六軍飛廉
欽定全唐文 卷一百四十八 類詩古

三

朔衛豐隆先路然後置天地之陣揚日月之旗震夔鼓以
申嚴鑿虬鐘而大號星流電擊鳳矯龍騰坵壘爲之震跳
梗林於是靡拉陷堅挫猛刮野掃地喋血僵尸填坑滿谷
禽茲元惡未及旋踵仍執醜虜冒靡子遺漢若水消淮同
魚爛氛祲祛除風雲融朗列代神靈莫不畢收前王彝器
此焉總獲旣而乘轅西返衛旆右臨奮決水之威乘破竹
之勢廓清萬里大定三川散馬華陽飲至豐鎬豈如漢王
力競屢見屈於城皋魏武爭雄久連兵於官渡及夫海外
有截宇內無虞執玉帛以臨朝垂衣裳而班治珍符雜沓

繁祉網緼甘雨薰風時和歲稔正簫韶之樂非止咸英定郊雍之禮豈惟俎豆歧行喙息跼蹐實排虛邁滙游原返澗泳未攫擊忘喙距之用夷狄齊冠帶之倫外戶常開內機不作宴含靈於仁壽變品庶於陶甄思廣舟航無隔幽顯靜言官首或握節以殉忠追悼行間有難輪而棄野懸疏屬之罪方滯迷塗念刑天之魂久淪長夜以爲拔除苦累必藉勝因增益善報實資淨土乃命克敵之處普建道場情均彼我思洽同異爰立此寺俾號等慈境實鄧州縣稱汜水班倭字一集矩矱斯備式構寶坊樹茲靈塔飛梁虹

欽定全唐文

卷一百四十八

顏師古

四

指浮柱星懸眉閣崢嶸脩廓黠霸朝雲暫起華機流津曉露微沾夕盤注潯茹蘆在阪化爲詹蔔之林熠燿宵行翻映厚尼之彩傍開索苑數淨花而韡華却帶蓮池積定水而澄湛結衣草止振錫來儀戎品齊芳禪枝並茂其地則遙瞻太室夏后之所發祥近眺襄城軒轅於是訪道抽簪控引循金隄以偈側冠蓋往來趨玉門而隱軫勢居夷道物稱衍沃誠原陸之膏腴信康莊之都會豈惟致罰之野獲免汙豬淫惡所懲赦其京觀乃令深入綠起永脫蓋繯普賴法財同歸妙樂悠悠曠劫急慧力而靡偏覺靈恒沙

譬福聚而無盡南山之壽既彌茂於億年北極之尊實牢籠於萬代竊惟望雲就日博賈多能理極寰中道臻繁本考叢彖篇徧詳流累定儒墨之短長棄刑名之苛覈纖微必舉幽贖斯應不能通其隱奧無所潛其肝蠶五老變爲流星懸識象緯八靈符於積雪曲盡物名是食忘勞昧旦不顯尚想巖穴博達躬堯俱幸滿堂之歡猶與納陛之慶愛踰祝網仁兼扇賜降元覽而游藝觀人文以化成賡齊梁之短篇鄙苦寒之危調轉規注河之論聽者聞神芝英垂露之書觀者眩目飛蜺妙術抑咒神工制律呂之輕重

欽定全唐文

卷一百四十八

顏師古

五

知草木之情狀郁哉煥乎弗可記已重明養德守器光於七豳藏枝樂善作固列於維城威儀抑抑良翰赴赴文士蘊金錫之姿武臣秉熊羆之狀耕田鑿井雖受賜而無迹擊壤鼓腹諒日用而不知百年然後勝殘仲尼之言斯濶三脊之茅難致夷吾所志爲小蓋夫植操恒久莫貞乎金石盛德形容聿宣於歌頌末臣庸設預奉鴻猷雖罄短才未揚休烈其詞曰

肇自元極初分太清二儀定位四大居貞緬求遠古逸聽遐聲質文遞變粹駁殊名一季葉紛競政荒道喪遷虎爭

驅乘龍有允亟惟不造時達无妄至治莫興嘉生靡暢

沿德既厭炎運將徂鴻飛野滿狼入朝蕪綠林叛換青嶺

睢盱中外板蕩億兆淪胥其三聖帝膺期愍彼顛覆始建天

柱初安地軸萬難畢夷羣凶盡戮茫茫率土俱荷亭育其四

壽華疊社用康國步陽紆罷恩實清王度牧野非艱鳴條

豈固勢踰擢卷俯同榮注其五魔眾既摧勝幡斯立釋茲罪

垢俾申幽執施以無畏斷其餘習卽此戎墟招提攸葺其六

雲樓赫燁月殿玲瓏冬延愛日夏納清風白蘋齊葉丹桂

臨蒙綺疏瞰迴繡閣臨空其七金繩吐光寶鈴和響香繞梵

欽定全唐文 卷一百四十八 顏師古 六

音花飛仙掌妙想凝寂真容煥朗開士宅心伊蒲瞻仰其八

崇巖秀峙迅流長邁石城迴賜龍池斜界左顧教礪右通

泥鄒賓爲勝境誕標靈怪其九至人惠利正覺津梁偕登萬

善普照十方深慈廣博冥慶遐長式光勿替永播無疆其十

神州地祇祝文

維某年敢昭告於神州地祇惟祇包函區夏載負羣生溥

彼域中賴茲厚德式遵彝典揀此元辰敬以玉帛犧牲恭

盛庶品明獻厥誠備茲禋瘞

四大河祝文

桀神上通雲漢光啟圖書分導九枝傍潤千里素秋式序
用率典常

姚思廉

思廉本名簡以字行陳吏部尚書察子初授秦王府文學
太宗卽位爲著作郎宏文館學士寫形於十八學士圖拜
散騎常侍賜爵豐城縣男貞觀十一年卒贈太常卿諡曰
康

止足論

易曰亢之爲言也知進而不知退知存而不知亡知進退

存亡而不失其正者其惟聖人乎傳曰知足不辱知止不

殆然則不知夫進退不達乎止足殆辱之累期月而至矣

古人之進也以康世濟務也以宏道厲俗也然其進也先

寬夷易故愚夫之所乾沒其退也苦節艱貞故庸曹之所

忌憚雖禍敗危亡陳乎耳目而輕舉高蹈寡乎前史漢世

張良功成身退病卧却粒比於樂毅范蠡至乎顛覆斯爲

優矣其後薛廣德及二疏等去就以禮有可稱焉魚豢獵

畧知足傳方田徐於管胡則其道本異謝靈運晉書止足

傳先論晉世文士之避亂者殆非其人唯阮思曠遺榮好

傳先論晉世文士之避亂者殆非其人唯阮思曠遺榮好

通遠殆辱矣宋書止足傳有羊欣王徽咸其流亞齊時沛國劉瓛字子珪辭祿懷道棲遲養志不戚戚於貧賤不耽耽於富貴儒行之高者也梁有天下小人道消賢士大夫相招在位其量力守志則當世問閭時或有致事告老或有寡志少欲國史書之亦以爲止足傳云

張元素

元素蒲州虞鄉人爲寶建德黃門侍郎建德平授景城都督府錄事參軍太宗即位累遷右庶子銀青光祿大夫授潮州刺史徙鄧州麟德元年卒

欽定全唐文

卷一百四十八

魏忠康

張元素

八

諫修洛陽乾陽殿書

微臣竊思秦始皇之爲君也藉周室之餘因六國之盛將貽之萬葉及其子而亡諒由逞嗜奔慾逆天害人者也是知天下不可以力勝神祇不可以親恃性當宏儉約薄賦斂慎終如始可以永固方今承百王之末屬凋弊之餘必欲節之以禮制陛下宜以身爲先東都未有幸期即令補葺諸王令並出藩又須營構興發數多豈蔽人之所望其不可一也陛下初平東都之始層樓廣殿皆令撤毀天下翕然同心欣仰豈有初則惡其侈靡今乃襲其雕麗其不

可二也每承音旨未卽巡幸此乃事不急之務成虛費之勞國無兼年之積何用兩都之好勞役過度怨讟將起其不可三也百姓承亂離之後財力凋盡天恩含育粗見存立饑寒猶切生計未安三五年間恐未能復奈何營未幸之都而奪疲人之力其不可四也昔漢高祖將都洛陽其敬一言卽日西駕豈不知地惟土中貢賦所均但以形勝

不如關中也伏惟陛下化凋弊之人革澆濇之俗爲日尚淺未甚淳和斟酌事宜詎可東幸其不可五也臣又嘗見隋室初造此殿楹棟宏壯大木非隨近所有多自豫章採

欽定全唐文

卷一百四十八

張元素

九

來二千人曳一柱其下施轂皆以生鐵爲之中間若用木輪動卽火出鐵轂既生行一二里卽有破壞仍數百人別齎鐵轂以隨之終日不過進三二十里畧計一柱已用數十萬功則餘費又過倍於此臣聞阿房成秦人散章華就楚眾離乾陽畢工隋人解體且陛下今時功力何如隋日承凋殘之後役瘡痍之人費億萬之功襲百王之弊以此言之甚於煬帝遠矣深願陛下思之無爲由余所笑則天下幸甚

上太子承乾書

文苑英華卷六六七

臣聞皇天無親惟德是輔苟違天道人神共棄然古三驅之禮非欲教殺將爲百姓除害故湯羅一面天下歸仁今苑內娛獵雖名異遊畋若行之無恒終虧雅度且傳說曰學不師古匪說攸聞然則宏道在於學古學古必資師訓既奉恩詔令孔穎達侍講望數存問以補萬一仍博選有名行學士兼朝夕侍讀覽聖人之遺教察既行之往事日知其所不足月無忘其所能此則盡善盡美夏啟周誦焉足言哉夫爲人上者未有不求其善但以性不勝情耽惑成亂耽惑既甚忠言盡塞所以臣下苟順君道漸虧古人

欽定全唐文

卷百四十八

張元素

十

有言勿以小惡而不去小善而不爲故知禍福之來皆起於漸殿下地居儲貳當須廣樹嘉猷既有好畋之淫何以主斯七愆慎終始如始猶恐漸衰始尚不慎終將安保

重諫太子承乾書

臣聞周公以大聖之材猶握髮吐哺引納白屋而况後之聖賢敢輕斯道是以禮制皇太子入學而行齒胃欲使太子知君臣父子尊卑長幼之道然君臣之義父子之親尊卑之序長幼之節用之方寸之內宏之四海之外者皆因行以遠聞豈假言以先被伏惟殿下審實固已崇高尚須

學文以飾其表竊見孔穎達趙宏智等非惟宿德鴻儒亦兼練達政要望令數得侍講開釋物理覽古諭今增輝睿德而雕蟲小技之流祇可時命追隨以代博奕耳若其駢射畋遊酣歌伎翫苟悅耳目終穢心神漸染既久必移情性古人有言心爲萬物主動而無節則亂臣恐殿下敗德之源在於斯矣

重諫太子承乾書

文苑英華卷六六七

臣聞孔子云能近取譬可謂仁之方也已然書傳所載其言或遠尋覽近事得失斯存至後周武帝平定齊梁卑宮菲食以安海內太子贊舉措無度穢德日著烏丸軌知其不可具言於武帝武帝慈仁望其漸改及其踐祚狂暴肆情區宇崩離宗祀覆滅卽隋文帝所代是也文帝因周衰弱憑藉力資雖無大功於天下然布德行仁足爲萬姓所賴勇爲太子不能近遵君父之節儉而務驕侈肆情今之

欽定全唐文

卷百四十八

張元素

十一

宮中山池遺址卽殿下所親視是也此時亦恃君親之恩自謂太山之固詎知邪臣敢進其說向使動靜有常進退合度親君子疎小人捨浮華尚恭儉雖有邪臣間之何能致慈父之隙豈不由積德未宏令聞不著譏言一至遂成

其禍臣以愚蔽竊位兩宮在臣有江海之潤於國無秋毫之益是用必竭愚誠思盡臣節者也竊惟皇儲之寄荷戴至重如其積德不宏何以嗣守成業聖上以殿下親則父子事兼國家所應用物不爲節限恩旨未踰六旬用物已過七萬騎奢之極敦云過此龍樓之下唯聚工匠望苑之內不親賢良今言孝敬則闕視膳問安之禮語恭順則違君父慈訓之方求風聲則無愛學好道之實觀舉措則有因緣誅戮之罪忠臣正士未嘗在側羣邪淫巧昵近深宮愛好者皆遊手雜色施與者並圖畫雕鏤在外瞻仰已有欽定全唐文

卷一百四十八

張元素

十一

此失居中隱密可勝計哉宣猷禁門不異閭閻朝入暮出機聲已彰臣以德音日損頻上諫書自適已來縱逸尤甚右庶子趙宏智經明行修當令善士臣每奏請望數召進與之談論庶廣徽猷今旨反有猜嫌謂臣妄相推引從善如流尚恐不逮飾非拒諫必招禍敗方崇蔽塞之源不慕欽明之術雖扼審哲之姿終罹罔念之咎古人云苦藥利病苦言利行伏願居安思危日慎一日則天下幸甚

陳正道封

臣觀自古以來未有如隋室喪亂之甚豈非其君自專其

法日亂向使君虛受於上臣獨違於下豈至於此且萬乘之重又欲自專庶務日斷十事而五條不中中者信善其如不中者何況一日萬幾已多虧失以日繼日乃至累年乖謬既多不亡何待如其廣任賢良高居深視百司奉職誰敢犯之臣又觀隋末沸騰被於高縣所求天下者不過十數人餘皆保邑全身思歸有道是知人欲背主爲亂者鮮矣但人君不能安之遂致於亂陛下若近覽危亡日慎一日堯舜之道何以能加

蕭鈞

欽定全唐文

卷一百四十八

張元素

蕭鈞

十二

鈞貞觀朝中書舍人

顏勤禮贊

依仁服義懷文守一履道自居下帷終日業彰素里行成蘭室鶴輪馳稱龍樓委質

欽定全唐文卷一百四十九目錄

褚遂良

請節勞表

請廢在官諸司捉錢表

請千牛不簡嫡庶表

請不窮逐實智純表

諫夜飲表

諫五品以上妻犯姦沒官表

再諫五品以上妻犯姦沒官表

欽定全唐文卷一百四十九

目錄

請宮中眼花浪見不得輒奏表

諫魏王泰物料踰東宮疏

諫以皇子任刺史疏

諫討高麗疏

諫戍高昌疏

諫寢殿側置太子院疏

諫親征高麗疏

諫納莫離支貢疏

論房元齡不宜斥逐疏

諫與薛延陀絕婚疏

諫窮問張元素出身疏

玉璽記

榻本樂毅論記

潭府帖

山河帖

與法師帖

唐太宗文皇帝哀冊文

故漢太史司馬公侍妾隨清娛墓誌銘

欽定全唐文卷一百四十九

目錄

大唐故左僕射上柱國太尉梁文昭公碑

欽定全唐文卷一百四十九

褚遂良

遂良字登善散騎常侍亮子初授秦州都督府鎧曹參軍貞觀中累拜中書令與長孫無忌同受顧命高宗立爵河南郡公拜吏部尚書同中書門下三品爲右僕射諫立武昭儀爲皇后左遷潭州都督再貶愛州刺史顯慶三年卒年六十三神龍元年武后遺詔復其爵位

請節勞表

文苑英華卷六〇七

臣遂良言伏承風氣小動正進湯藥臣荷恩光不勝愁懼

欽定全唐文

卷一百四十九

褚遂良

既聞御膳平和一則以喜伏惟陛下異人者神明同人者五情夫人之生以神爲主神太用則虛形太勞則倦有此而不生疾者非所聞也陛下昔年力平寇亂及臨寶位憂勞萬國龍荒沙漠何所不思情切於此無時懈怠遂令陛下鬚髮爲之早白又數年已來耽覽書史每作文咏兼諸手筆日暮繼燭運心不停又詰朝與羣臣論政數百千語音若韶夏理同蘭玉若非辛勤何以得此且以天情愛好不能自息臣愚誠恐陛下今猶看讀夫人年踰四十筋力漸疲篤而不休更增疹疾然君以百姓爲心百姓以君爲

命君體乎康天下安寧陛下已讀得之者用之不可盡已知者當世不能踰伏願節諸言語且無披卷每減思慮微疴自遣天下蒼生之所幸賴臣不勝區區謹敢來聞伏願無覽臣之表違傍人讀知臣章臣願足矣下愚之情伏深戰灼

請廢在官諸司捉錢表

文苑英華卷六〇七

臣遂良言古稱君爲元首臣作股肱梁棟榱桷隨能助化所謂成海取乎細流崇山由乎積壤然則爲治之本在於擇人不正其原遂差千里周禮卿大夫之職考士德行獻

欽定全唐文

卷一百四十九

褚遂良

之子王王拜而受之登于天府漢家以明經拜職或四科辟召必擇器任使量才命官然則市井子孫不居官吏大唐制令憲章古昔商估之人亦不居官位陛下許諸司令史捉公廨本錢諸司取此色人號爲捉錢令史不簡性識寧論書藝但令身能估販家足貨財錄牒吏部便即依補大率人捉五十貫已下四十貫已上任居市肆恣其販易每月納利四千一年凡輸五萬送利不違年滿授職然有國家者嘗笑漢世賣官今開北路頗類於此在京七十餘司相率司副九人更一二載後年別卽有六百餘人輸錢

授職伏惟陛下治致升平任賢爲政或太學高第或諸州進士皆策同片玉經若懸河奉先聖之格言慕昔賢之廉恥拔十取五量能授官然犯禁違公輒罹刑法況乎捉錢令史主於估販志意分毫之末耳目鄙肆之間輸錢於官以獲品秩荏苒年歲陛下能不使用之乎此人習與性成慣於求利苟得無恥豈蹈廉隅使居其職何向而可將來之弊宜絕本源臣每周遊民間爲國視聽京師儉庶爰及外官異口同辭咸言不便臣無容靜嘿輕敢表聞伏願更勅朝臣遣其詳錄輒煩聽覽伏深戰慄謹言

欽定全唐文

卷一百四十九

褚遂良

請千牛不簡嫡庶表

文苑英華卷六〇七

臣遂良言臣聞主祭祀之胃必資於嫡長擢文武之材無限于正庶故知求賢之務有異於承家前王制禮緣情斯極永嘉以來王塗不競在於河北風俗頓乖以嫡待庶而若奴妻遇妾而如婢廢情虧禮轉相因習搆怨於室取笑於朝莫能自悔死而無悔降及隋代斯流遂遠獨孤后罕雕鳩之德同牝雞之晨普禁庶子不得入侍自始及末怨曠未弭聖朝御治深革前弊人以才進不論嫡正自茲二紀多士如林今者簡千牛舍人方爲此制臣竊思審於理

未安何者母以子貴子不緣母也今以母非正室便言子無貴仕則趙衰孕於趙婢遙集產於胡姬田文枚臯皆妾子也文則播美於強齊臯則有聲於隆漢未聞前載有所間然此類甚多備存史冊不敢煩引輕黷宸嚴今反棄古實從近事以妬忌之政施明敝之日非徒英雋交屈固亦競端斯始王者設教務慎其源源流一開爲弊必甚儻側室之子負才而不用君棄之於上家輕之於下忠孝不展友愛無施如此等人豈不怨憤雖隔千牛之選仍許三衛之官色類乃復稍殊捍禦至竟無別若惟才是用人自甘

欽定全唐文

卷一百四十九

褚遂良

四

心一彼一此異端斯起至於昨來檢括羅人公孫武遠及崔仁師等兒多是嫡子故知善惡由乎積習邪正寧娘嫡庶必然之理不言可明伏願更量可否還遵舊制不使側室之胃有高才而被屈正妻之子雖至愚而獲用則嫡庶於此分鑒諍訟無因發矣前選已了不可更追乃今補闕猶得詳審臣蒙恩獎擢厠近司事有未安豈敢自默謹以表奏伏增惶悚

請不窮逐實智絕表

文苑英華卷六一七

臣遂良言實智純不自循名陷於險薄旣是陛下近親由

來之所詣委然智純威屬使任女爲王妃結髮從我實爲故舊書言昔在唐竟以親九族陛下憲章前事自須進退以禮方今刑網寬大不以疑罪與民宏基所注箭射舍中事已非實智純自藏獨樹狀又難明所以刑部大理各相得失陛下已出智純爲開州刺史便是賈責正當處分已畢今之餘事只是窮逐語言但智純威屬貴望親樹既蒞職居官布在朝野相逢談說言議是常兼復其婦積病在牀命懸朝夕卽日刑部官司及在朝士皆不欲陛下更窮此事設令實推得智純自藏獨樹誣宏基家人刑名指歸欽定全唐文

卷一百四十九

褚遂良

五

諫夜飲表

文苑英華卷六二〇

臣遂良言臣聞三爵獻酬所以成禮七升爲限謂之無度書之雅誥其慎在酒伏見去月二十七日爲太子成婚訖北門賜三品以上宴自日辰時連至三更疲勞聖躬尤非盛事有識者云云皆言非是昔孫權漢后酒敗其德昔陳

完謂齊景公曰臣小其晝未卜其夜白日傾酌是陶神情伏願陛下更無夜飲臣以虛薄拾遺是司不辭嚴誅輕敢奏聞謹陳庸淺不勝戰兢

諫五品以上妻犯姦沒官表

文苑英華卷六三三

臣遂良言臣聞大聖文明必垂憲法使聽之者知善聞之者自新謂之中刑而終久無弊糠粃古昔而樹之風聲冠蓋百王先茲至道伏惟陛下心記五車坐談千卷斷決機務必先至理臣昨日伏見勅至門下五品已上官人妻及女等有犯罪者並沒爲官婢夫犯惡逆始用此刑不然歷欽定全唐文

卷一百四十九

褚遂良

六

代雜刑曾無此準聖主可以理平臣乞以一理敢煩天聽夫禁穢防姦旣張羅網生民千犯必有其事今忽有三公六尚書等官當重寄或有子數人半居文武而此三公六尚書之婦忽犯姦淫被獨衛路沒爲官婢其夫既恥其子亦愧更何顏以在列亦無面以當官合門恥辱一時俱棄至於九卿之室十二衛將軍之妻沒爲官婢夫豈不愧雖有文武之幹珪璋之質朝廷之所嗤笑僑流之所指點自貽伊戚理須屏跡臣恐失諸人倫有從此起是以古者存其大體而畧其細微掩其家室而用其才能若沒其女亦